



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

CXVI. Papst Clemens IV. vertröstet den Patriarchen von Jerusalem und die
Großen des Reichs auf den Kreuzzug, welchen der Markgraf Otto von
Braunschweig beabsichtigt, am 25. Juli 1265.

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

propr̄is personis, sed in expensis alienis accesserint contra tartaricam feritatem, ac illis, qui mittent illuc in expensis propr̄is idoneos bellatores, eis quoque, qui erogabunt aliqua de facultatibus propr̄is pro huiusmodi bellatoribus conducendis, iuxta quantitatem subsidii et deuotionis affectum, illam de omnipotentis Dei misericordia et beatorum Petri et Pauli apostolorum eius auctoritate confisi concedimus suorum ueniam peccatorum, de quibus ueraciter corde contriti et ore confessi fuerint, que transeuntibus in Terre sancte subsidium a Sede apostolica in generali Concilio est concessa, Contradictores per censuram ecclesiasticam, appellatione postposita compescendo. Ceterum uolumus, quod ex huiusmodi predicatione tua nullum predicationi Crucis, que fit auctoritate Sedis apostolice in subsidium dilectorum filiorum fratrum hospitalis Sancte Marie Theutonicorum aliorumque fidelium de Liunia, Curonia et Prussia, preiudicium generetur. Datum Perusii, VII. Kalendas Julii, Anno Primo.

Nach einer Abschrift aus dem Vaticanischen Geh. Archive, Clement. IV. Epist. 112. T. III. Anni I.

CXVI. Pappst Clemens IV. vertröstet den Patriarchen von Jerusalem und die Großen des Reichs auf den Kreuzzug, welchen der Markgraf Otto von Brandenburg beabsichtigt, am 25. Juli 1265.

Clemens etc. Venerabilibus fratribus Patriarche Hierosolymitano, Archiepiscopi et Episcopis ac dilectis filiis hospitalis sancti Johannis, et domus militie Templi Hierosolymitani Magistris, nec non nobilibus uiris V. de N. et aliis uniuersis Baronibus Regni Hierosolymitani etc. — quod permittente Domino iniquitatis filius, post optentam cesaream et euerfam, optinuit nichilominus et azotum, captiuatis ex Dei populo pluribus et non paucis ut fertur occisis, prout per litteras uestras recepimus, nostrum et fratrum nostrorum animos ineffabili merore perfudit, cum stragem populi cristiani nec audire sine cordis amaritudine, nec auditam recolere sine tristitia ualeamus. Sane quia non sufficit in tante necessitatis articulo lacrimis indulgere, que quamuis diuinam impetrent indulgentiam, a propr̄is tamen uiribus exercendis hominem non excusant, manum illico misimus ad remedia, illustrem Regem filium nostrum in cristo Carissimum, et alios Barones Francie, prout decuit excitantes ad uestrum, immo potius Crucifixi subsidium, et nunc ad dilectum filium O. Marchionem Brandenburgensem, cui dudum Dominus inspirauit, ut ad idem opus uiriliter se accingat, ad quod efficaciter animamus eundem, et tam pium eius propositum hactenus occultatum, pro cuius prosecutione aperta suum nuper ad nos miserat Nuncium specialem, per nostra salubria monita promouemus, confidentes in nostri misericordia Redemptoris, quod in breui uidebitis eius auxilium opportunum. Tu igitur, frater, et uos filii carissimi uiriliter agite, nec deiciantur animi, nec concidant uultus uestri, nec enim abbreviata est manus Domini, ut saluare uos nequeat, nec auris eius ut non exaudiat aggrauata, nec uos terreat, si seditiones et prelia uideritis cis-marina: quamuis uniuersis et singulis nos oporteat respondere, cordi tamen nostro, ab olim infixum negotium transmarinum nulli alio potest cedere, sed suum sibi uendicans priuilegium apud

nos inter alia semper precipuum iudicatur. Datum Perusii, VIII. Kalendas augusti, anno Primo.

Nach einer Abschrift aus dem Vaticanischen Geh. Archive, Epist. Clement. IV, Epist. 47. Anni 1. T. IV.

CXVII. Die Gebrüder von Heimburch lassen dem Markgrafen Otto von Brandenburg als Lehns-
herrn zum Besten derer von Hoiem die Vogtei über das Dorf Mekelwede auf.

Domino suo illustri Principi O., Marchioni Brandenburgensi, Fratres omnes de Heimborch cum omni fidelitate debitum et paratum ad omnia famulatum. Excellentie vestre aduocatum in Mekelwede, quam a vobis hactenus dinoscimus habuisse, ad petitionem pariter et fauorem illorum de Hoiem, filiorum Domini Bertrammi, duximus resignandam. Et cum nos ad vestram presentiam proxime venire contigerit, oretenus idem faciemus. In huius igitur rei testimonium presentem paginam roboramus.

Nach Erath, Cod. dipl. Quedl. 235. — Dieser ohne Datum ausgefertigte Brief, den Erath in's Jahr 1267 setzt, muß in Rücksicht der folgenden Urkunden vom 19. März 1266 (Nr. CXVIII.) und vom Jahre 1267 (Nr. CXXVIII.) in spätere Jahre gehören, vermuthlich in das Jahr 1265.

CXVIII. Markgraf Otto von Brandenburg resignirt der Aebtissin Gertraud zu Queblingburg
27 Hufen Landes im Dorfe Mekelwede, am 19. März 1266.

Reuerende domine sue Illustri principi Gertrudi, abbatisse in Quedelingeburg, Otto, dei gratia Marchio Brandenburgensis, paratam ad quecunque beneplacita cum obsequio voluntatem. Excellentie vestre cupimus esse notum, quod XXVII. mansorum redditus in villa mekelwede de consensu nostro et filiorum nostrorum vestre magnificentie resignamus, litteris presentibus, quod etiam cum primum vos videre nos contigerit, oretenus faciemus. Ad cuius rei maiorem euidenciam sigillum nostrum et filiorum nostrorum duximus apponendum. Datum in Spandowe, Anno domini M^o. CC^o. LXVI^o., XIII^o. kalendas aprilis.

Nach dem im K. Geh. Kabinet-Archive befindlichen, mit drei Siegeln versehenen Originale, 489, 58. — Abdrücke in Erath's Cod. Quedl. 227 und Lünig's Spicileg. ecclesiast. Thl. III, Anh. S. 219. Am letztern Orte ist in dieser Urkunde statt Otto ein Gero als Aussteller genannt.

CXIX. Die Markgrafen Johann und Otto von Brandenburg vereinigen sich unter einander
über die Theilung ihrer Lande jenseits der Oder und des Landes Bauen, am 3. Juni 1266.

Nos Johannes et Otto, dei gracia marchiones brandenburgenses, recognoscimus et presentibus protestamur, quod inter nos, mediantibus venerabilibus viris fratre an-